

S P O R A Z U M O NAUČNOJ, STRUČNOJ I POSLOVNO - TEHNIČKOJ SARADNJI

zaključen između:

1. Biotehničkog fakulteta Univerziteta u Bihaću, kojeg zastupa dekan dr. sc. Husein Vilić, van. prof., Luke Marjanovića bb. 77 000 Bihać (u daljnjem tekstu: Fakultet), s jedne strane i
2. Specijalizirana poljoprivredna zadruga "AGRODAR" koju zastupa direktor MA Aldin Kuduzović, Kasima Ljubijankića Čaruge bb. 77220 Cazin (u daljnjem tekstu: Zadruga), s druge strane.

Predmet i osnove Sporazuma

Član 1.

Ovaj Sporazum o saradnji (u daljnjem tekstu: Sporazum) temelji se na budućim zajedničkim naučno-istraživačkim i stručnim interesima Fakulteta i Zadruga.

Član 2.

S ciljem realizacije naučno-istraživačke i stručne djelatnosti, a koje su od interesa za Fakultet i Zadrugu, saradnja će se provoditi kroz slijedeće načine:

- aplikacija na zajedničke naučno-istraživačke, stručne programe i projekte
- putem znanstvenih i stručnih istraživanja u područjima od zajedničkog interesa,
- postavljanje i obavljanje eksperimentalnih istraživanja saradnika i nastavnika Fakulteta na poljima Zadruga,
- objavljivanjem stručnih i znanstvenih radova proizašlih iz saradnje,
- pružanje stručnih i savjetodavnih usluga u toku procesa proizvodnje na poljima Zadruga,
- učešće u organizaciji oglednih polja,
- izvođenje stručne-ferijalne prakse s izradom diplomskih, magistarskih i doktorskih radova na dodiplomskom i poslijediplomskom studiju, sa predstavljanjem i publikovanjem ostvarenih individualnih i timskih rezultata na naučno-stručnim skupovima i konferencijama,
- organizaciji seminara, okruglih stolova i predavanja, na određenu tematiku,
- ostale moguće oblike saradnje.

Član 3.

U realizaciji navedenih aktivnosti iz člana 2. ovog Sporazuma, koristit će se, prema potrebama, pokusna-ogledna polja, laboratorije, praktikumi i oprema Fakulteta, kao i Zadruga, a sve bez naknade.

Ukoliko iz navedene saradnje proisteknu materijalne obaveze, one će se realizirati prema posebnim ugovorima o saradnji i unaprijed dogovorenoj naknadi, a uz predočenje adekvatne dokumentacije, te uz detaljan opis obavljenih radova i troškova.

Postoji mogućnost kompenzacije troškova, ali uz prethodnu saglasnost i dogovor.

Član 4.

Potpisnici Sporazuma se obavezuju da imenuju odgovorne osobe zadužene za međusobnu komunikaciju, koordinaciju i realizaciju određenog posla i aktivnosti iz člana 2. ovog Sporazuma.

Član 5.

Ovaj Sporazum se potpisuje na period od pet godina.

Član 6.

Izmjene i dopune ovog Sporazuma vršit će se uz pisanu saglasnost potpisnica Sporazuma. Svaka strana, potpisnica ovog Sporazuma može raskinuti Sporazum uz pismeno obavještenje druge strane, najmanje tri mjeseca prije nego što se isti namjerava okončati. Sporazum se ne može prekinuti ukoliko dovodi u pitanje realizaciju neke od dogovorenih aktivnosti, odnosno prije isticanja roka utvrđenog za završetak takve aktivnosti.

Član 7.

Ovaj Sporazum ne spriječava njegove potpisnike da slične saradnje uspostave i s drugim subjektima iz države, kao i iz inozemstva.

Član 8.

Svi sporovi koji mogu nastati iz ovog Sporazuma, a koji se ne mogu riješiti prijateljskim putem, biće predmet arbitraže ili nadležnog suda u Bihaću.

Član 9.

Ovaj Sporazum je sklopljen u četiri (4) istovjetna primjerka od kojih svaka strana zadržava po dva (2) primjerka.


Član 10.


Sporazum stupa na snagu danom potpisivanja istog od strane dekana Fakulteta i direktora Zadruga.

Član 11.


Ostala pitanja i potrebe, koja bi se eventualno mogla pojaviti u toku realizacije Sporazuma, obje strane će dogovoriti anexom istog.

UNIVERZITET U BIHAĆU
BIOTEHNIČKI FAKULTET
D e k a n:


dr. sc. Husein Vilić, van. prof.
Broj: 03-1030/2020.
Dana: 01.07.2020. godine



SPZ "AGRODAR" d.o.o. Cazin
D i r e k t o r:


MA Aldin Kuduzovic
Broj: 142/2020.
Dana: 01.07.2020. godine

